

新編經驗麻疹專科

R272.2

20

中華民國貳拾伍年

經驗麻疹專科

丁亥年
左麟霖集

丙子夏月印刷

R272.2
18

晉江縣第三區區署佈告

第三七四二號

為佈告事：案據建安堂醫生楊世祺呈稱：呈為呈請醫書著作存案並准給禁阻翻印告示以重版權事。竊世祺自弱冠棄書讀醫將近五十年矣，自念空老林泉於世無補，俯首靜思愧報奚似，乃以平生所學力加參考，編成溫病方歌醫案及經驗麻疹專科、女科歌括等書，因經費所限未能盡行付刷，惟以經驗麻疹專科一書簡帙無多，先籌出版，然一書成集費心殊苦，恐有

奸商射利籍名翻印未免碍及版權爰將原稿理由泐呈
鈞鑒伏祈俯准所請照為存案並給以嚴禁翻版告示
庶可載入卷中永杜偽弊仰頌 德政無任沾感等情據
此查該醫書確係該楊世祺著作他人勿得影射翻印據
稱前情除批示外合行佈告民人知照 此佈

中華民國二十五年六月廿八日

區長羅仲若

自序

痘疹兩科為人類生存一大關鍵痘症頗繁疹症則簡然疹之利害較痘有三倍危險此世所共知也鄙人

自弱冠時得

先岳父施貽妙公

諱家甚係本埠埔頭鄉人也

所遺

手抄痘疹一書彼時自念學醫門徑甚繁未暇披覽至卅歲後見吾泉時疫盛行痘疹並發即取是書詳加參究按症治療無不應手而效逮民國十七年予由南洋歸來懸壺於石獅市上見時疫雖停而溫病

瘡疹難已乃以 吳鞠通先生溫病條辨一書編為
方歌醫案因經濟所限未能付刷同人見之咸荷嘉
許惟茲麻疹方論尤為簡便故將 先岳父遺稿並
以幼科鉄案幼幼集成等書參加研究編集成冊中
錄藥方五拾捌首先叙藥味次及症候欲便學者之
記憶不計字句之工拙也予知此書一行可以救癘
疹之危險者不少蓋方論簡明粗識字者可以熟讀
由此而推廣之無難家喻戶曉按疹固治雖有至危

之症亦可望挽回造化也然症候多端學難普及願
高明者再加考察以匡不逮焉至痘症一科關係猶
大俟老身稍健時當續編之以符大道無私方不宜
秘之意也是為序

中華民國廿五年歲丙子夏月七十老叟楊世祺叙

諸症目錄

錄集成麻疹骨髓賦

麻疹順症論第七頁

麻疹陰症論第七頁

麻疹變症總論十六條
第八頁

部位論

咳嗽論

嘔吐論

麻疹初起總論

麻疹逆症論

麻疹輕重總論

發熱論

形色論

出汗論

傷目論

麻發不出論 三章

麻不透表論

透表清濁論

麻難沒論

喘急論

氣促論

搐搦論

鼻血論

咬牙論

唇燥論

口氣論

舌苔論

腹痛論

便秘論

痢症論

下虫論

不食論

鼻衄論

身冷論

虛羸論

痲後發驚論

姪娘出痲論

嚏淚論

泄瀉論

痲早沒論

口渴論

聲啞論

譫語論

舌裂論

口疳論

溺澁論

沉睡論

胸高論

痲瘡論

新編經驗麻疹專科

晉江楊世祺福田甫著

次男南容
長孫祖澤
仝叅訂

錄集成先生麻疹骨髓賦

痲雖胎毒多帶時行氣候寒溫非令男女傳染而成
其發也與痘相似其文也比痘匪輕愚夫愚婦每視
為泛常若死若生總歸於天命不知毒起於胃熱流
於心始終之變腎則無證臟腑之傷肺則尤甚閉戶
問途何若出門尋徑揚湯止沸不如去火抽薪初時

發熱儼似傷寒目出淚而不止鼻流涕而不乾咳嗽
太急煩燥難安以火照之隱々皮膚之下以手抹之
亭々肌肉之間其形若疥其色若丹隨出隨沒乍隱
乍現根窠若腫兮麻而兼癢皮膚若赤兮麻以夾班
似錦而明兮十有九吉如煤而黑兮百無一痊

麻疹症初起總論

麻疹與傷寒相似發熱之初寒熱往來咳嗽噴嚏鼻
塞聲重且流清涕其症與傷寒無異但麻疹則眼胞

畧腫目淚汪洋面浮腮赤惡心乾嘔此為異耳若見
此症必是發疹須宜謹防風寒節飲食避厭穢戒葷
酒忌辛熱用藥表散使肌膚通暢腠理開張或身有
微汗則邪緩汗解而毒則易出耳熱至三日痲當出
矣一日出三遍三日出九遍至六日間當出盡矣及
出至足頭面將收收靨之處其熱即退疹子漸次收
下熱亦漸次而退至八九日痲始收齊而熱乃退盡
也若發不出者固危出不盡者亦陰出而旋收者更

陰治之其可緩乎

麻疹順症論

麻疹發乎脾胃毒起於胃熱流於肺

心始終之腎則無症

初

之氣其毒最輕即有吐瀉鼻衄皆不慮不必服藥丹
班無頭粒故摸之不得手麻疹有頭粒摸之則碍手
且麻出必成簇之甚易

一麻脉不論男女只看右手一指按之脉洪大有力
雖重可救所謂陽症見陽脉者生此類是也

痲疹逆症論

痲疹最怕乾枯紫黑血以載毒血活則毒必清毒壅則血必熱紫而轉黑則毒凝而血死矣尤兼糞黑鼻青口張鼻扇目無神氣喘胸高或胸前扇動俱為死症又或一出即沒或面上全不見形此時不必調停生死且由天命也痲出於心紅者為之正色紫者血熱也黑者熱極而血死不可治如必治之可用無價散一錢加水片三厘紫草八分酒煎服之服此

轉黑為紅則生不然必死 一痘出於臟腑屬陰故
頭面宜少 痲出於腑腑屬陽故頭面宜多今頭面
不出則氣滯血凝毒將內攻故重也如治者用芩連
消毒飲倍加升麻桔梗服後頭面見點則吉不然必
死遇如此症必須看脉若右手一指脉無力者終不
可治矣 無價散方見後準 芩連消毒飲方見後準

痲疹陰症論

痲症正當發熱忽然昏困非常急須細辨舌中旁風